

Pagina rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **65 (2003-2004)**

Heft 5: **Gute Autorität**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Instrucziun da logopedia e legastenia

Situaziun da partenza

Il mieds da lavur dalla logopedia e dalla legastenia/discalculia per romontsch (en Surselva) ein per gronda part inexistents. Ei manca ton material da diagnosa sco material da terapia. Quei tec material che ils/las terapeutAs han creau ei buc accessibels a tuttAs ed ei exista negina survesta. Las 4 logopedas ed ils 18 therapeuts lavuran actualmein cun material improvisau, surprius per gronda part dil tudestg. Ils instruments da lavur sebasan per gronda part buca sin ina lavur scientifica. L'ordinaziun e la classificaliun dil material mauncan.

La Cumissiun da mieds d'instrucziun dil Grischun ha denton refusau da surprender l'obligaziun da procurar per material da lavur adequat cugl argument ch'ei setracti da terapias e buca d'instrucziun regulara. Il cantun seigi responsabels mo per mieds d'instrucziun dalla scola regulara. L'Assicuranza d'invalids (IV) sustegn las terapias cun ina pauschala per lecziun, ils ulteriurs cuosts seigien denton buca lur caussa.

Las singulas vischnauncas sco purtadras dallas scolastAs avonliug e la Ligia Romontscha ston haver interess causal che ils scolars e las scolaras cun basegns da terapia gaudien denton ina terapia adequata.

Ei astga buc esser che personal qualificau e professional sto desister d' instruments e material adequat ni sto improvisar diagnostica e terapia. Ins patratgi ina gada als chirurgs ch'operassen caluns cun cuntials da sac!

La Corporaziun da vischnauncas Surselva (purtadra dil Survettsch logopedic) ha giu interess che la qualitat dalla lavur seigi garantida cumpleinamein. Ella ha schau el-laborar in concept che circumscriba la situaziun actuala, formulescha ils basegns e las finamiras e calculescha ils cuosts e propo-na la finanziaziun. Sco proposta concreta ha la gruppa formulau il sequent:

Proposta

> Rimnar:

Las lavurs ch'ei vegnidas creadas, translata-das ni adattadas dils therapeuts ein da rim-nar, surluvrar tenor basegns, lectorar, ordi-nar e publicar en ina moda survetscheivla.

> CEDID:

Per amplificar il material dallas therapeutas eis ei da consultar il Center didactic dalla Surselva. Era quellas lavurs ein da classifi-car, lectorar e publicar.

> Valischa da leger:

La «valischa da leger» creada sco lavur da diplom alla Scol'aula da pedagogia cura-tiva da Turitg dallas pedagogas curativas Zita Maissen-Tuor, Corina Vinzens-Loher, Lydia Vinzens-Tönz ei da producir e metter silmeins in exemplar per vischnaunca a disposiziun.

> Translaziuns:

Sin fundament d'in inventari dils basegns ein novas translaziuns ed adattaziuns ne-cessarias.

> La conferenza dallas therapeutas da lega-stenia/discalculia e la gruppa da logope-das furnescha mintg'onn mintgamai 5 lavurs novas (specificamein adattadas als basegns pratics en Surselva) en fuor-ma da prototips. Quels products duein vegnir produci per tuttAs therapeutas.

> Ei sto vegnir fatg la lavur scientifica da basa. Quella sa ev. vegnir coordinada cun las universitads ed ils students dil fatg.

> Cun ina scolaziun ed introducziun obli-gatoria dils scolastAs primarAs san biars problems vegnir sligai efficientamein.

> Il sistem grischun per las therapeutas da legastenia e discalculia ei da metter en discussiun.

> Oravontut drovan tuttAs therapeutas in post da supervisiun e cussegliaziun.

Realisaziun

La realisaziun digl intent ei fetg urgenta e duei entscheiver aschi spert sco pusseivel. La gruppa da lavur propo-na il sequent agir; La suprazionza dalla Corporaziun da vi-schnauncas Surselva deleghescha l'incum-bensa strategica dil project ad ina gruppa adequata. Quella gruppa surpren la re-sponsabladad ed il controlling, fa l'evalua-ziun finala e dat descharscha alla operativa e rapport final alla Corporaziun. Ina gruppa da project responsescha il menaschi opera-tiv, coordinescha, organisescha e planise-scha tut las lavurs. Dil personal vegn spit-gau la prontadad da metter a disposiziun material ch'ei avonmaun, da star a disposi-ziun cun plaid e cussegli e da collaborar el project proporziunalmein cul pensum da lavur. En vesta all'urgenza dil material ein Romania, Renania e Ligia Romontscha era interessadas da sustener il project.

Il cantun retegn la barca cun gl'avis ch'ei seigi in tup mument da realisar il project, stetti gie l'introducziun dil rumantsch gri-schun si per la detta ed ins stoppi coordinar la lavur per tut la Romontschia. Quei avis ha ina certa giustificaziun. Denton ston las therapeutas luvrar vinavon cun material im-provisau!!!

Agenda

Plema d'aur e miur d'aur 2004

Tgi ha aunc buca inoltrau ils texts per la concorrenza dalla Plema d'aur 2004. Tgi ch'indichescha l'adressa dalla pagina d'internet pren era part dalla concorrenza dalla miur d'aur 2004